

جَزَائِرُ مَحَاكِمِ

جمعه ايرتسی

نومرو	ذی الحجہ	سنہ	حزیران	سنہ	صفیہ
۶۵۷	۸	۱۳۰۹	۲۰	۱۳۰۸	۹۶۲۹

(اشبو غزته بهر هفته جمعہ ايرتسی کونلری چیقار . سنہ لکی در سعادت ایچون مجیدیہ یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخہ سی بنه مجیدیہ یکر می غروش اولق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر مجیدیہ اخذ اولنور . سنہ لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

انقره ولایتی بدایت محکمه سی جزا دائره سی
 ریاستی محکمه مذکورہ مدعی عمومی معاون
 مصطفی فوزی افندی به

انقره ولایتی بدایت محکمه سی مدعی عمومی
 معاونلکی جزایر بحر سفید ولایتی مرکز
 مدعی عمومی معاونی عزت افندی به

جزایر بحر سفید ولایتی بدایت محکمه سی
 مدعی عمومی معاونلکی انقره ولایتی بدایت محکمه سی
 جزا دائره سی رئیس عزت بکه

قسم رسمی

توجیہات

عدلیه نظارت جلیله سی ساجل مأمورین
 مدیریتی ادرنه ولایت جلیله سی عدلیه مدیری
 واستیناف محکمه سی رئیس اولی سعادتلو انور بک
 افندی حضرتلرینه

657

تجارت محکمه سی ریاستی در سعادت تجارت محکمه سی
ضبط کتبه سندن حسن بکر افندی به تفویض
بیورلشدر .

قره حصار شرقی بدایت محکمه سی جزا دائره سی
ریاستی قیصریه بدایت محکمه سی جزا دائره سی
رئیس نشئت بکه

قیصریه بدایت محکمه سی جزا دائره سی ریاستی
قره حصار شرقی بدایت محکمه سی جزا دائره سی
رئیس یوسف اکاه افندی به

اورفه بدایت محکمه سی مدعی عمومی معاونلکی
مکتب حقوق شاهانه مآذونلرندن عزت الیاس
افندی به

مناستر ولایتی بدایت محکمه سی جزا دائره سی
ریاستی اشقودره ولایتی بدایت محکمه سی رئیس
راشد افندی به

اشقودره ولایتی بدایت محکمه سی ریاستی ویزه
بدایت محکمه سی مدعی عمومی معاونی علی رضا
افندی به

ویزه بدایت محکمه سی مدعی عمومی معاونلکی
مکتب حقوق شاهانه مآذونلرندن ابراهیم ادهم
افندی به

بوکره اعاده تشکیل اولنان تکفور طانغی

(فی ۳ ذی الحجه سنه ۳۰۹ و فی ۱۵ حزیران)
(سنه ۳۰۸ تاریخده بالجله ولایات استیاف)
(محکمه سی مدعی عمومی یارینه و مدعی عمرمی)
(بولنمیان محللر مدعی عمومی معاونلرینه یازبلان)
(تخریرات عمومی صورتیدر)

محاکم عدلیه دن محکوم و موقوف ولوب
مدت جزائیله لری ثلثاتی اکیال ایلیان و بولتیقه
وسوء قصد و فعل شنیع کبی جنایات عظمه ایله
محکوم اولمیان مجرمینک ولادت و جلوس هایبون
حضرت پادشاهی ایله سائر لیلی مارکده
مرحت افزای سنوح و صدور بیور یلاه اراده

قلنمش اولمغله مأموریت برمنوال محرر
ایفای معامله به دقت و اهتمام اولنمسی .

سنیه جناب ملوکانه موجینجه نائل اولدقاری
عفو عالیدن مجالس اداره جه محکوم اولان مأمورین
و خدمه دولتک دخی حصه داز ابدلسی لازم
کلوب انجق بولنرک ایچنده بعضیاری اموال دولتی

سرقت ایتمش و یاخسود ذمتنه کچورهش اولوبده
تضمین ایله محکوم اولدینی حلاله هنوز مبالغ
محکومه بی تأدیه و ایضا ایتمش اولانلر دخی
بولنه جفندن و بومقوله لرک عفو عالیدن استفاده لری

موافق مصلحت اوله میه جفندن بولنر مستثنا اولوق
اوزره سائر صورته مجالس اداره دن محکوم ایدلمش
اولانلر حقلر ننده جهت عدلیه جه متخذ اولان
اصوله توفیقاً معامله اولنمسی خصوصنک تعمیماً
ولایاته و ضبطه نظارتنه و مستقلاً اداره اولنان
متصرفلقره اشعارینک داخلیه نظارتسندن

حواله سی و ثلثان مدت جزائیله لری اکیمال
ایدنلرک تخلیه سییللری حقنده کی اراده سنیه
منطوق منیفنک حرفیاً انفاذینه نظارت نناور یجه
اعتنا ایله برکونه سوء استعمال وقوعه کتورلما سی
شورای دولت تنظیمات دائره سندن قلمه النوب
بایبورلدی سامی نظارته تبلیغ اولنان ۲۵ شباط
سنه ۳۰۷ تاریخلی مضبطه صورتنده کوسترلش
واشبو تخریرانک نسخ مطبوعه کافیه سی لفا ارسال

قسم غیر رسمی

(شبیه بدایت محکمه سندن ۲۲ اغستوس سنه ۳۰۷)
(تاریخی و اوتوز بر عددی ایله ویریلان)
(اعلامک مابعدی)

مقدما عندالتمیز نقض اولنان اعلام یکی کوی
اهالیسیله اووه حق قریه سی اهالیسی بیتمده متکون
حدود دعواسنه متدائر اوله رق ملتزمک دعواسنه
تعلق اولدیقنه و عکسی تقدیرده دخی اعتراض الغیر
طریقیه دعوی مذکوره به مداخله احکام قانونیه
اقتضاسندن اوله رق او یله طوغریدن طوغری به
مدعی و مدعی علیهی جلب و دعویاه اجباره

صلاحیت قانونیه مفقود اولدیفنه منبی اعتراضات
واقعه نك موافق قانون اولدینی بیساندن عبارت
بولنمشدر .

ایجابی لدی المذاکره اعلام مذکور مآلندن
اکلاشلدینی اوزره منازع فیه حدود دعواسی
یکی کوی قوم غیر محصور اهالیسیله اووه جق
قریهسی اهالیسی بینده متحدث اولدینی حالده
محمد اغانک دعواى واقعهده مدعی علیهم بولنان
اووه جق قریهسی اهالیسی جانبندن وکالتی اولوب
اولدیغنک و صفتنک اعلامده تصریح ایدلامسی
ومال مدیریله اراضی و اوقاف مأمورلری مدعی
ومدعی علیه صفتیله داخل دعوی ایدلش واصل
دعوانک مدیر ومأمور مومی ایها طرفلرندن
درمیان اولنهرق اولوجهله اجرای محاکمه
ایدلسی لازم کلور ایکن اساس ماده حقنده
ومومی ایهمانک ادعا ومدافعه لرینک استماع قلمنامسی
ومحصور اولدینی بدایه تحقیق ایدن اووه جق
قریهسی اهالیسنه دخی دعوتیه ورقهسی تبلیغ
ایتدیره رک انلرک دخی حضور یله تشکیل طرفین
ایدلکدن و طرفینک افاداتی استماع قلندقدن
صکره اعلام سابق ابتدایده محرر اولدینی وجهله
محل کشفده ارائه حدود ایله شهود مرقومه استماع

وامر تزکیه لری بالا جراتین ایده جک حاله کوره
حکم ایدلک لازم کلور ایکن بورالندن ذهول
ایله برابر مابه التطبيق اولیان ایکوز قرق بشنجی
ماده قانونیه به استناد حکم اولنسی بولسز
ومخالف اصول وقانون بولنمش اولدیندن اصول
محاکمه حقوقیه قانوننک ایکوز اوزر ایکنجی
وایکوز قرق برنجی ماده لری موجبجه اعلام
مذکورک نقضیله قانون مذکورک ایکوز قرق
دررنجی ماده سنک فقره اخیرهنه تویقاً کیفیتک
محکمه مذکوریه اعاده سنه وز یرده مفرداتی
مرقم ایکوز اون طقوز بچق غروش مصارف
تمیزیه نك ایلروده حقسنز چقه جق مرفه رجوع
ایتمک اوزره اول امرده مستدعیلرندن التمسنه
۱۱ مایس سنه ۳۰۸ تاریخند، متفقاً قرار
و یر یلرک تفهیم قلندی .

لنقهده اون سکر نومرولی خانهده مقیم
میخانه جی استلیانوس ایله بیننده متحدث دعوایه

دائر محکمه استیناف تجارت قسمندن صادر اولان
۷ کابون ثانی سنه ۳۰۶ تاریخلی اعلامک نقضنه
دائر ۱۸ حزیران سنه ۳۰۷ تاریخلی و بوز قرق
ایکی عددی ایله دائره دن و یریلان اعلام علیهنده
تصحیح قرار طلبنی متضمن محل مذکورده
اون سکر نومرولی دکانده ساکن یورکی چاقاقو
طرفندن اعطا قلنان عرضحال اسباب قانونیه به
منبی قبول اولندقدن صکره دعواى واقعه اوزرینه
تعیین قلنان کونده مستدعی تصحیح یورکی طرفندن
نیقوله مقری افندی وکاله و استلیانوس اصالة
کلدکارندن ایضاحات شفاهی لری استماع قلندی .

تصحیحی طلب اولنان دائره اعلامنک مآلی
مرقوم استلیانوس لنقهده ایکنه بک محله سنده
اون سکر نومرولی مغازه ایله فوقنده کی بر باب
خانه بی سنوی بدی بیک درتیوز قرق و مذکور
مغازه به الحاق ایدیلان بر باب میخانه کدکندن
متصرف اولدینی الی بش حصه ایله تحت استیجارنده
بولنان التمش بش حصه سی سنوی ایکوز قرق
غروش اجرت و بش سنه مدت ایله مرقوم یورکی
چاقاقویه ایجار ایتش و مأجورلردن یالکرخانه بی
مستأجر مرقوم تسلیمندن امتناع ایلمش اولدیغندن
بجمله . مأجورک تخلیه سیله متراکم أجورنک مستأجر

مرقومندن تحصیلنی طلب و ادعا و برقطعه مقالوله ایله
برقطعه پروتستو ورقهسی ابراز واعطا ایلمسی
ومدعی علیه چاقاقو دخی مذکور میخانه ایله
اخیراً قارشیدر یلان مغازه محللرینک تعیین و خانه
ایله مغازه اجر تری نك تقریق اولنماسی ومدعینک
میخانه ده الی اقچهسی اولدینی حالده الی بش ایچه
کوسترلسی و مأجورلردن خانه نك هنوز کندوسنه
تسلیم اولنماسی عقد اجاره نك فسادینی مستلزم
اولدیغندن مدعی مرقومک اجر مسمی طلبنه حقی
اوله میوب اجر مثل ایستمکه صلاحیتی اوله جقنی
وموجر مرقومه نقداً اعطا و تعمیرات سائریه
صرف ایلدیکی یوز سکسان بش لیرا سکسان اوچ
غروشله مرقومه اولان کفالتندنطولای کندیسندن
ارانلمقده بولنان اوتوزالتی لیرادن تعیین اولنه جق
اجر مثلك محسوبیله اوست طرفنک دکانده
موجود اشیا قیمتیه برابر کندوسنه اعطاسی
لزومنی مدافعه تذکار ایتسی اوزرینه اولبایده
اجرا قلنان محاکمه وتدقیقاتده مأجورلردن یالکر
خانه نك برسنه صکره تسلیم ایدیله جکنک شرط
قلنسی ومدعینک الی حصه به متصرف ایکن الی
بش حصه بی صفت مالکیتله ایجار ایلمسی ودیگر
التمش بش حصه نك حصه دارانی تحقیق ایده مدیکی
کی اول حصه لرک دخی مستأجر ی اولدینی

و قیو و لغملرك تعمیراتی حقنده موجرك امری
 اولدیغنك مستأجر یورکی جانبندن اثبات ایدلسنه
 و مستأجر جانبندن تعمیرات ایچون صرفیات
 حقنده موجر استلیانوسك امری اثبات اولنه مدینی
 تقدیرده مستأجر مرقومك موجر من بوره یمین
 تکلیفنه حق اولسنه و دیگر حصه دارنه و یریلان
 آنچه نك داخل حساب ایدلسنه محل کوریه مدیکنه
 و موجر استلیانوسك اشیا امانتن استیفا
 ایده مدیکی ایکی بیک غروش ادعاسنی اثبات
 ایده مدیکی صورتده مستأجر یورکی به یمین تکلیفنه
 حق اولدیغنه دائر و یریلان قرارلری اعلام
 شکلنده استحصالی ایله مرقوم استلیانوس اعاده
 محاکمه عرضحالی اعطا و اعلام مذکورک یمین
 قسمی علیهنده مرقوم یورکی چاقوقر دخی اعاده
 محاکمه استندا ایتملری اوزرینه جرا قلنان
 محاکمه و تدقیقات نتیجه سنده مرقوم یورکی
 چاقوقونك اعاده تدقیقی طلب ایتمکی قرار قرار
 قرینه دن عبارت اولمغله اعاده تدقیقی غیرجائز
 اولدیغندن مرقومك اعاده محاکمه عرضحالی نك
 ردینه دائر و یریلان قرار علیهنده مرقوم یورکی
 جانبندن اعطا قلنان تمیز استداسنك ردینه دائر
 صادر اولان اعلام اوزرینه اخیراً اجرا قلنان
 محاکمه و تدقیقات استینافیه نتیجه سنده لونجه هیئتی

ثابت اوله مامسی و مأجورك دروننده بولنان
 اشیا مستأجرک اشترایه مجبورطو تلمسی اجاره نك
 فسادینی موجب اولمغله مأجورك شهری بشر یوز
 غروشندن متراکم اجر مثلی اولان اون سکر بیک
 بشیوز غروشك مع فائض بالغ اولدینی یکر می اوج
 بیک اوچ یوز قرق غروشندن بشینا و یرلمش اولان
 اون ایکی بیک غروشك تنزیله متباقی اون بیک
 در میوز قرق غروشك مرقوم یورکی چاقوقون
 تحصیلنه دائر صادر اولان اعلام ابتدائینك
 عندالاستیناف اجر مثل حقنده کی حکمنك تصدیقه
 ماعدا جهت حکمیسی فسخ اولندقدن صکره
 اولبابده جریان ایدن محاکمه و تدقیقات استینافیه
 نتیجه سنده مقاوله نامه نك مأجورك ترینات و سائر
 کی مصارفنك مستأجره عائد اوله جفته دائر اولان
 فقره مندرجه سنه کوره موجرك مسؤلیتی ایجاب
 ایتیه چکنه و حین ایجارده منازع فیه میکرده
 موجود اشیا و اتمعه تجاریه مستأجر طرفندن
 قیات مقررده موجبجه مایعه اولنهرق انقضای
 مدته مستأجرک یدنده بومثللو اشیا بولنور ایسه
 تقدیر اولنه جق قیمت وجهله موجرك امانتی
 و یره رک اخذ ایتسی تعهد قلنمش اولسنه نظراً
 تیمور باش اشیا و اتمعه قیمتك تقدیر یله امانتك
 موجر طرفندن اعطاسی لازم کله چکنه و طاقم

جانبندن میکرده کدکیله کراسته جی کدکنه شهری
 بش یوز غروش تقدیر ایدلسندن طولای اجر مثل
 مذ کوردن مذ کور کدکوره قاچر غروش اصابت
 ایده جکی حقنده وقوع بولان اعتراض اوزرینه
 یکیدن تقدیری ضمنتده مذ کور لونجه هیئته
 یازیلان تذکره نك مورود جوابنده اجرت
 مذ کوره نك ثانی کراسته جی و ثلثانی دخی میکرده
 کدکنه اصابت ایلدیکی بیان قلنمش ایسه ده
 کراسته جی کدکنك میخانه کدکندن زیاده اجر مثلی
 اولدینی موجر استلیانوس جانبندن ادعا قلنمسی
 اوزرینه منازع فیه مغازه نك کراسته جی و میخانه جی
 کدکدرینك شهری ایکیوز الی غروش اجر مثلی
 اولدینی مرقوم استلیانوس جانبندن اقامه اولنان
 شاهدلرک شهادت واقعه سیله ثابت اولدیغندن
 مذ کور کراسته جی کدکنك شهری ایکیوز الی
 غروشندن متراکم اجر مثلی یکر می اوج بیک یوز
 اونوز اوج غروش یکر می پاره یه بالغ اولمش
 و میخانه کدکندن مرقوم استلیانوسك الی سهمنه
 متراکم طقوز بیک الی یوز یکر می درت غروش
 اصابت ایدوب اشبوا یکی قسم مبلغك حاصلی اولان
 اوتوز ایکی بیک یدیوز الی یدی بچق غروشندن
 مرقوم یورکی چاقوقونك تیمور باش امانندن تقدراً
 تسلیات ایله و یرکویه و یردیکی آنچه دن مطلوبی

اولدینی تین ایدن یکر می درت بیک ایکی یوز
 یتمش درت غروش تنزیل قصور سکر بیک درت
 یوز سکسان بچق غروشك یورکی چاقوقون
 تحصیلله استلیانوسه اعطاسنه و مأجورك دخی
 تخلیه سی لزومه دائر صادر اولان اعلامك تمیزاً
 بالتدقیق موجر استلیانوسك مأجور مذ کورده
 الی حصه یه مالک اولوب ماعدا حصه دارانك
 تحقق ایتماسی و موجر مرقومك دیگر التمش بش
 حصه نك مستأجر ی ایدوکنك دخی ثابت اوله مامسی
 و مأجور لردن خانه نك برسنه صکره تسلیم قلنمسنك
 شرط اتخاذ قلنمسی فساد اجاره یی موجب اوله جفته
 دائر اولان حکم استینافینك بر ماده قانونیه یه
 استناد اولنماسی و اشیا بدلی ایله تعمیرات حقنده
 هر ایکی طرف مدعالرینی اثباتدن اظهار عجز
 ایتملریله یکدیگرینه یمین تکلیفنه صلاحیتلری اولدیغنه
 قرار و یریلوب حالبوکه اشبو قرار موجبجه
 بوبابده یمین تکلیف ایدوب ایتیه چکدر بیک احد
 طرفیندن سؤالبه تین ایده چک حاله کوره حکم
 ایدلک لازم کلور ایکن بوجهت قانونیه یه دخی
 دقت اولنماسی اسبابنه بناء نقضنه حکمدن
 و مستدعی تصحیح یورکی چاقوقونك اشبو اعلام
 علیهنده کی اعتراضاتك باشلوجه سی عندالاستیناف
 منازع فیه میکرده نك اجر مثلی بشیوز غروش تقدیر

ایدلشیکن موجهه عائد ملک کراسنک دخی
کندوسنه تحمیل اولنمسنک قانونه مغایر اولدینگی
مقدما مقابله اقامه ایتدیکی تمیز دعواسی اوزرینه
ویرمش اولدینگی لایحهده برتفصیل درمیان
ایتمشیکن بوبابده کی اعتراضک مسکوت عنه
بر اولدینگی بیانیله تمیز اعلامک اصلاحی استدعا
سندن ومدعی علیه استیلانوسک نتیجه جوابی دخی
اعتراضات واقعه نك تصحیح قراری غیر موجب
اولدینگی بیانیله حکم سابقک ابقاسی طلبندن
عبارت بولنمشدر .

ایجابی مذاکره اولندقدده دائره اعلامیه
اوراق موجوده مندرجاتندن منضم اولدینگی اوزره
تصحیح قرار طلبنده بولنان مرقوم یورکی چاققونک
باشلوجه اعتراضی محکمه استینافیه جه اجرا قلنان
تدقیقات نتیجه سنده منازع فیہ میکده شهریه
بشیوز غروش اجر مثل تعیین وتقدير ایدلمش
وبوبابده اولان ملک کراسنی موجهه طائد
بولنمشیکن اشبو ملک کراسنک کندوسنه تحمیلی
قانونه مغایر اولدینگی مقدما بالمقابله اقامه ایتمش
اولدینگی تمیز دعواسی اوزرینه ویردیکی لایحهده
برتفصیل درمیان ایتمشیکن محکمه جه بوجهتک
نظر دفته التمدینی خصوصی اولوب فی الحقیقه

بوبابده کی اعتراضک مسکوت عنه بد اولدینگی
اکلاشلمش ومحکمه استینافیه جه طرفین بینده کی
عقد ایجبارک فسادی تحت قراره الندقدن سکره
مذکور ملک کراسنک موجهه تحمیلی لازیکلور
ایکن مستأجر یورکی چاققودن تحصیلنه حکم
اولنمسی حقتده بر کونه اسباب موجهه اراده
ایدلامسی قانونه مغایر بولنمش اولدینغه بناء
اصول محاکمه حقوقیه قانونک ایکوز و توز
ایکنجی مادهسی موجهجه اعلام استینافینک
سبب مذکوره بناء دخی نقضه و حکم سابقک
ابقاسنه وزیرده مفرداتی محرر ایتمش بش غروش
مصارف تمیزیته نك ایلروده حقسز چیه جوطرفه
رجوع ایتک اوزره اول امرده مستدعی تصحیح
یورکیدن النمسنه ۱۳ شباط سنه ۳۰۷ تاریخنده
متفقاً فرار ویریلهرک تفهیم قلندی .

ادرنه استیناف محکمه سندن ۱۱ تموز سنه ۳۰۶
تاریخی وسکر عددی ایله ویریلان اعلامک تمیزی
استدعا ایدن ادرنه داخلنده اطه ناحیه سنه تابع

قره اغاج قریه سنده مقیم قهوهچی ابوستول ولد
طناش ایله مدعی علیه ادرنده بالق بازارنده ساکن
تبعه یونانیه دن طیب پولیدروس ولد پایایانی
یوم معینده دائرهیه کلدکلرندن اصول محاکمه
حقوقیه قانونک ایکوز یورکی طقوزنجی مادهسی
موجهجه تدقیقات تمیزیه اجراسنه ابتدار
قلندی .

اعلام مذکورک خلاصه مالی مومی ایله
پولیدروسک مزبور ابوستولدن تفرغاً تحت
تصرفده اولدینگی میرز سندات خاقانیه ایله ثابت
اولان قره اغاج قریه سنده واقع زمینی ارض میری
وابنیه سی ملک اولان معلوم الحدود برباب خانه ایله
تحتنده کی اوج باب دکانک مرقوم ابوستول طرفندن
بالتخلیه مومی ایله پولیدروسه تسلیمنه وحکمک
موقفاً اجراسنه دائره ادرنه بدایت محکمه سندن
غیاباً ویریلان اعلام علیه مرقوم ابوستول
جانبندن استیناف دعواسنه قیام اولنمسی اوزرینه
اول امرده اصول محاکمه حقوقیه قانونک یوز
اون ایکنجی مادهسی موجهجه بدایه اجرای
موقت حقتده ویریلان قرارک فسختندن سکره
جریان ایدن محاکمهده مرقوم ابوستول املاک
مذکورده استتقاض ایلدیکی یوز ایرا مقابلنده

مزبور پولیدروسه رهن اولوب فراغ قطعی
ماده سنک مواضعه ایدوکنی ادعا ایله بر قطعه
مصدق سند ترجمه سی ابراز واعطا ایتمش ایتسهده
میرز تصرف سندا تنده بو بولده بر شرط وقید
کوریله مامش اولسنه منی ادعای مذکور املاک
صرفه حقتده دفتر خاقانیدن ویریله حکم سنده
دائر اولان نظامنامه سنک اون طقوزنجی مادهسی
موجهجه غیر مسموع اولدینغه بناء اعلام ابتدائینک
تخلیه وتسليم عقاره دائره اولان قرارینک تصدیقه
حکمندن ومستدعی تمیز ابوستولک اشبو حکم
علیهنده کی اعتراضاتک باشلوجه سی عند الاستیناف
ابراز اولنان مواضعه سنیدنک عیناً و یا خلاصه
اعلامه درج ایدلامسی مخالف اصول وقانون
اولدینندن بحثله اعلامک نقضی ومدعی علیه
طیب پولیدروسک نتیجه جوابی دخی سند
عادینک سند رسمی به قارشو حکمی اولوب اوله
میخنی جهتله اعلامه درخنه مجبوریت نظامیه
بولنمدینگی بیانیله اعتراضات واقعه نك ردی
واعلامک تصدیقی طلبندن عبارت بولنمشدر .

ایجابی مذاکره اولندقدده اعلام مذکور
مندرجاتندن اکلاشلدینگی اوزره بدایت واستیناف
محکمه لرنجه اجرا قلنان محاکمهده مرقوم ابوستول

جانبندن فراغ واقعك صورتده قطعی و حقیقته
 رهن اوله رق اجرا قلندینی مفروغ له ایله بینلرنده
 تعاطی قلنسان مقاوله نامه ده مندرج اولدینی ادعا
 قلنهرق اشبو ادعاسنی مؤید برقطه سند ابراز
 قلنمش اولسنه نظراً سند مذکورك درجه حکم
 وقوتی اكلاشلمق اوزره عیناً و یا خود خلاصه
 اعلامه درجیله برابر بو باده تدقیقات و محاکمات
 لازمه اجرا سیله حاصل اوله جق نتیجه به کوره
 حکم و یرلمك لازم کلور ایکن عند الاستیناف
 بو یولده اجرای معامله اولنمیه رق سند مذکورك
 نظر اعتباره النامسی یولسزومغایر قانون اولدیغندن
 اصول محاکمه حقوقیه قانوننك ایکیوز اتوز
 ایکنجی و ایکیوز قرق برنجی ماده لری موجبنجه
 اعلام مذکورك نقضنه وزیرده مفرداتی مرقم
 ایکیوز طقسان بش غروش مصارف تمیزیه نك
 ایلروده حقسز چیه جق طرفه رجوع ایتمك
 اوزره اول امرده مستد عیدن النمسنه ١٩
 کانون ثانی سنه ٣٠٦ تاریخنده اکثریتله قرار
 و یرلدی .

محکمه استیناف تجارت قسمندن فی ٢ تموز
 سنه ٣٠٧ تاریخنی و قرق سکر عددی ایله و یریلان
 اعلامك تمیزی نی استدعا ایدن حطب قپوسنده یوز
 بر نومرولی دکانده مقیم بقال اصنافدن یوسف
 و اورام و کیلی کروه خیطه یان افندی اله مدعی
 علیه قطار جیلرده التمش بش نومرولی دکانده
 ساکن اصناف مرقومه دن یوانك یوم معینده
 ایضاحات شفاهی لری استماع قلندی .

اعلام مذکورك خلاصه مالی مرقومان
 یوسف و اورام ایله یوان بیننده منعقد شرکتدن
 طولانی طرفینك اتفاقیه تعیین اولنان تودوساکی
 معرفتیله مقدا رؤیت اولنان محاسبه بی ناطق
 تنظیم ایدیلان پلانچو موجبنجه مرقوم یوانك
 تبین ایدن التی بیک درتیوز غروش دینه مقابل
 ذم ناسده اولان مطلوباتی مرقومن یوسف
 و اورامه دور و حواله ایتدکدن صکره درت بیک
 یکر می ایکی غروش دینی قالدینی بدایه جلب
 واستجواب اولنان مرقوم تودوسا کینك افاده سیله
 ابراز ایلدیکی سندات و پلانچو مندرجاتیله تحقق
 ایتمش و مرقوم یوان تسلیات واقعن ماعدا
 مرقوم یوسفك خدمتکارینه یدیوز یکر می ایکی
 غروش آروجه تسلیم ایتدیکنی ادعایش ایسه ده

اشبو ادعانك بی اساس اولدینی اثباتدن اظهار عجزی
 اوزرینه مرقوم یوسفك اجرا قلنسان تحلیفیه
 ثابت اولش اولدیغنه منبی مبلغ مذکورك مرقوم
 یواندن تحصیلیه حکم ابتدائینك بوضورتله تعدیلا
 تصدیقه دائر محکمه استیناف تجارت قسمندن
 لاحق اولان اعلامك تمیزاً بالتدقیق طرفین بیننده
 منعقد اوله رق اخیراً فسخ ایدیلان شرکتك نوعی
 تعیین ایتدیر یله رك نه کی شرائطی جامع اولدینی
 اكلاشلمق ایچون بو باده تعاطی قلنسان شرکت
 مقاوله نامه سنك و تودوساکی معرفتیله رؤیت
 ایدیلان محاسبه بی ناطق پلانچونك عیناً و یا خلاصه
 اعلامه درج اولنمسی و حکمك بر ماده قانونیه
 استناد ایدلماسی اسبابنه بناء نقض اولنمسی اوزرینه
 بتکرار جریان ایدن محاکمه و تدقیقات استینافیه
 نتیجه سنده طرفین بیننده تعاطی قلنسان شرکت
 مقاوله نامه سی احکامنه نظراً اوچ شریك بیننده
 درت حصه اعتبار یله عقد اولنان شرکت تجارت
 قانوننك اتوز و اتوز ایکنجی ماده لرنده
 کوستریلان کافه شرائطی جامع دکلسده جریان
 معامله به کوره بو باده کی شرکتك قوللکتیف
 نوعندن اولدینی و هر قدر تودوساکی طرفندن
 تنظیم ایدیلان پلانچوده اورامك امضاسی اولدینی
 ادعا ایدلمکده ایسه ده شرکت مقاوله نامه سنده

امضاسی اولسنه نظراً محاسبه واقع بی مرقوم
 اورامك قبوله مجبوری بی بولدینی جهتله اصول
 محاکمه حقوقیه قانوننك یوز طقسان التنجی
 ماده سنك فقره اولسنه توفیقاً حکم ابتدائینك
 تعدیلاً تصدیقه حکمدن و مستد عیلر و کیلی کروه
 حیطه یان افدینك اشبو اعلام علیه ده کی اعتراضاتك
 باشلوجه سی طرفین بیننده منعقد شرکتك بقالیه
 شرکتی اولدینی درکار ایکن استینافاً قوللکتیف
 دینلمسی و میز تعیین ایدلیدیکی ادعا ایدیلان
 تودوسا کینك موکلری طرفندن میز تعیین
 ایدلیدیکنه دائر اعلامده بر صراحت و اقرار
 اولدینی حالده بوجهتک دخی نظر دفته النامسی
 قانونه مغایر اولدیغندن بخلله اعلامك نقضی
 و مدعی علیه یوانك نتیجه جوانی دخی حکم
 اعلامك تصدیقی طلبندن عبارت بولنمشدر .

ایجابی مذاکره اولندقدده اعلام مذکور
 مندرجاتندن منقهم اولدینی اوزره مقدا اعلام
 استینافی پلانچو دقتینك عیناً و یا خلاصه
 اعلامه درج اولنمسی اسبابنه بناء تمیزاً نقض
 ایدلیدیکی حالده اخیراً جریان ایدن تدقیقات
 استینافیه نتیجه سنده طرفینك امضاسی تحتده اولیان
 و مندرجاتی بعضی ارقامی حاوی اولدینی کوستریله رك

نه کبی بر ورقه ایدوکی اکلشلمیان و بناء علیه
 قانوناً اسباب حکمدن معدود اوله میه جفی درکار
 بولنان برورقهیه و بدوسا کینک قول مجردینه
 استناداً حکم اولنمی اصول و قانونه مغایر
 و اشبو مغایرت نقض حکمی مستلزم اسباب
 قانونیه دن اولدیغنه بناء اصول محاکمه حقوقیه
 قانوننک ایکوز اتوز ایکنجی ماده سی موجبجه
 اعلام مذکورک نقضه و طرفین بیننده کی منفسخ
 شرکت محاسبه سنک اصول و قانونی دائره سنده
 یکیدن رؤیتیه تین ایده جک خاله کوره حکم
 اولنمق اوزره کیفیتک محکمه مذ کوره به اعاده سنه
 وزیرده مفرداتی محرر اوچبوز اتوز یدی
 غروش مصارف تمیزیه نک ایلروده حقسنز
 چیه جق طرفه رجوع ایتمک اوزره اول امرده
 مستدعیلردن النسنه ۲۰ شباط سنه ۳۰۷
 تاریخنده متفقاً قرار ویریله رک تفهیم
 قلندی .

ادرنه تجارت محکمه سندن ۲۳ تموز سنه ۹۷
 تاریخی و التمش درت عددی ایله ویریلان
 اعلامک تمیزی استندعا ایدن ادرنه به تابع اطه
 ناحیه سنه مضاف مرعش قریه سنده مقیم حاجی یورکی
 اوغلی بقال اشتریو ایله مدعی علیها ادره ده
 ایاسطراتی محله سنده ساکنه کریا کیچه بنت یورکی
 یوم معینده کلدکارندن اصول محاکمه حقوقیه
 قانوننک ایکوز بکرمی طقوزنجی ماده سی موجبجه
 تدقیقات تمیزی به اجرا سنه ابتدار اولندی .

اعلام مذکورک خلاصه مائی مزیره
 کریا کیچه نک برقطعه سند موجبجه مرقوم
 اشتریو ذمتنده الاجنی اولان بکرمی یدی بچق
 لیرانک تحصیلنی طلب و ادعا ایتمسنه قارشو مرقوم
 اشتریو دین مذکورکی اقرار ایله مبلغ مذ کوره
 محسوباً جسته جسته اون بش بچق لیرا تسلیاتی
 اولوب متبانی اون ایکی لیرا دینی قالدیغنی مدافعه
 درمیان ایتمش ایسه ده تسلیات واقع سنی انبادن
 اظهار عجز ایلنسنه مبنی اقراری موجبجه مبلغ
 مدعا بهک مع فائض بالغ اولدیغنی اتوز بچق لیرا
 ایکی بچق غروشدن سند مذ کور موجبجه حلول
 ایدوب برنجی تقسیطی اولان اون لیرانک شمبدن
 و قصورینک دخی وعده سی حلوانده مرور

ایده جک ایام گذشته سیا برابر مرقوم اشتریو دن
 تحصیلنه قرار ویرلیدیکندن و مستدعینک اشبو قرار
 ابتدائی علیه نده کی اعتراضاتک باشلوجه سی دفع
 دعواسنی اثبات ایده مدیکی حالدیه خصمنه یمن
 و یردیرلسی احکام قانونیه اقتضاسندن ایکن
 محکمه جه بوراسنه دقت ایدلامسی مغایر قانون
 اولدیغندن بخله اعلام مذکورک نقضی استندعاسندن
 ومدعی علیه انک نتیجه جوابی دخی سنده قارشو
 درمیان اولنان دعوانک سند ایله اثبات اولنمی
 ایجاب ایده جکی وشو حالدیه کندوسنه یمن توجه
 ایتمه جکی بیانیله اعتراض مذکورک ردی و اعلامک
 تصدیقی طلبندن عبارت بولنمشدر .

ایجابی مذاکره اولندوقده اعلام مذکور
 مآئندن اکلشلمدینی اوزره مزبور کریا کیچه
 قادینک ادعاسنه قارشو بدایه مدعی علیه بولنان
 مرقوم اشتریونک درمیان ایلدیکی تسلیات
 ادعاسنی اوراق معتبره ایله اثباتدن اظهار عجز
 ایلدیکی تقدیرده تسلیات مذ کوره نک عدم
 وقوعنه دائر طلیله مدعیه کریا کیچه یمن
 ایتدیرلک لازم کلور ایکن محکمه جه بوجهته
 دقت اولمامسی و مبلغ مدعا بهدن بر تقسیطنک
 زمان تأدیه سی هنوز حلول ایتمش ایکن تقسیط

مذ کورک دخی قبل حلول الاجل تحت حکمه
 النمی مخالف قانون اولدیغندن اصول محاکمه
 حقوقیه قانوننک ایکوز اتوز ایکنجی وایکیوز
 قرق برنجی ماده لری موجبجه اعلام مذ کورک
 نقضیه قانون مزبورک ایکوز قرق دردیجی ماده سی
 موجبجه کیفیتک بالرؤیه اعلامیه ربطی ضمننده
 محکمه مذ کوره به اعاده سنه وزیرده مفرداتی
 مرقم اوچبوز طقسان درت غروش مصارف
 محاکمه نک ایلروده حقسنز چیه جق طرفه رجوع
 ایتمک اوزره اول امرده مستدعی اشتریو دن
 النسنه ۲۳ شباط سنه ۳۰۶ تاریخنده متفقاً قرار
 ویریله رک تفهیم قلندی .

چورم بدایت محکمه سنندن ۲۹ کانون ثانی
 سنه ۳۰۴ تاریخی و اون درت عددی ایله ویریلان
 اعلامک تمیزی استندعا ایدن چورم داخلنده
 حاجی کمال محله سنده ساکن قره کوز اوغلی ماتزم
 مصطفی اغانک وکیلی علی رضا افندی تعیین اولنان

گونده دائره به گلش ايسهده مدعى عليه شڪر بك
قره سى ملتزمى توقادلى اوغلى ابراهيم اناگلدېكندن
مستدعى و كلكنك ايضاحات شفاهيه سى استماع
قلندى .

اعلام مذ كورك خلاصه مالى مرقوم مصطفى
اغنا تحت التزامنده بولنان او يوك قره سى
اراضيسندن چند قطعه ترلانك حاصلات عشره سبه سبه
قرية مذ كوره به همجوار اولان شڪر بك قره سى
ملتزمى مرقوم ابراهيم اغنا جانندن وقوعه كلان
مداخله نك منعى ادعا وبر قطعه شهادتنامه ارائه
واعطا ايتش ايسهده ذكر اولنان ترلارك شڪر بك
قره سى داخلنده اولدينى مجلس اداره دن ويريلوب
اولبابده تعيين قلنان كشف مأمورلرى جانندن
تصديق اولنان راپور مندرجاتيله ثابت اولدينى كى
مدعى مرقومك اون عدد چورم كيله سى خطه
الدينى اقراريله تين ايلديكى بيانيله مذ كور
اون كيله چورم خطه سنك مدعى دن تحصيلنه
حكمدن ومستدعى مصطفى اغناك اشبو حكم
عليهنده باشلوجه اعتراضاتى محاكمه ابتدائيه به
اراز ايلديكى شهادتنامه ذكر اولنان ترلارك
اويوك قره سى داخلنده اولدينى اثباته كافي ايكن
بوكا اعتبار ايدلامسى وكشف راپورينك تماميله

اعلامه درج قلنامسى قانونه مغاير اولديغندن بخله
اعلام مذ كورك نقضى ومدعى عليهك نتیجه
جوابى دخى اعلام مذ كورك قانونه موافق
واعتراضات مسروده واهى اولدينى بيانيله تصدىقى
طلبندن عبارتدر .

المجابى مذا كره اولندوقده اعلام مذ كورك
نتيجه مالى بداية مدعى بولنان مصطفى اغناك
مربور ابراهيم اغنا عائد شڪر بك قره سى
اعشارندن اون كيله چورم خطه سى اخذواستيفا
ايلديكى اقراريله ثابت اولدينى بيانيله مذ كور المقدر
خطه نك كندوسندن تحصيلنه حكمدن عبارت
اولسنه نظراً حكم مذ كور اسباب موجه به مسند
واصول وقانونه موافق اولديغنه واعتراضات
مذ كوره نقض حكى موجب اولديغنه ناء
اعتراضات مذ كوره نك رديله اعلامك تصدقته
وزيرده مفرداتى مرقم سكران درت غروش
مصارف محاكمه نك مستدعى به رجوع ايتك اورده
اول امرده مدعى عليه ابراهيم اغنا دن اخذينه ۱۱
حزيران سنه ۳۰۷ تاريخنده متفقاً اقرار ويريلارك
تفهيم قلندى .

مرعش بدايت محكمه سى تجارت قسمندن
۱۲ شباط سنه ۳۰۱ تاريخى و يوز اللى يدى
عددى ايله صادر اولان اعلامك تميزينى استدعا
ايدن مرعش قصبه سنك شكر دره محله سنده ساكن
طوپال اوغلى متوفى وارطان ورنه سندن اوغللرى
ارتين و كويك و نرسيس و ارسلان و كاروچ
و كيللرى نشان افندى تعيين اولنان كونده دائره به
گلش ايسهده مستدعىلردن متوفى مرقومك قزلرى
لوسك و مریم و سيروب ايله مدعى عليهم حلبك
شرعوس محله سنده مقيم متوفى نغوم افندى
ورنه سندن زوجه سى مندول قادين و كير اوغلى
سليم افندى و صغير اوغلى اسكندر و صغيره قزلرى
ذكيه و نجيه نك و صيلرى حورى افندى كلدكلى
كجى مدعى عليهم طرفندن جواب لايحه سى دخى
كوتدرلماش اولديغندن يالكز و كسل موسى ايله
نشان افندينك ايضاحات شفاهيه سيله باش مدعى
عمومى معاونلردن سمعادتلو يورغا كى افندينك
مطالعه سى استماع قلندى .

اعلام مذ كورك خلاصه مالى متوفى
موسى ايله نغوم افندينك متوفى مرقوم وارطان ايله
مخدومى ارتين اغار ذمتده ايبلك اتمانيله جهات
سأره دن طولايى باسند واجيقدن غير از استيفا

الاجنى اولدينى ميزلر معرفتيله رؤيت اولنان
محاسبه و محاكمه جه اجرا قلنان محاكمات و تدقيقات
ايله تحقق ايدن مع فائض ليرا يوز درت غروش
حسابيله اون اوج بيك سكر يوز التمش ايكي
غروش بش پاره نك ذيل قانون تجارتك طقسان
طقوزنجى ماده سى موجه سبه مدعى عليهمادن
تحصيلنه و ايفاي ديندن امتناعلرى تقديرنده
مرهون اراضينك فروختيله اتمانندن استيفاي
دين ايدلسنه حكمدن و مستدعىلرك اشبو حكم
عليهنده كى اعتراضلرينك باشلوجه سى بداية
دعواى واقعه تجارت محكمه سى صفتيله رؤيت
اولدينى حالده محكمه نك قانون دائره سنده تشكلى
ايتامسى و متوفى موسى ايله نغوم افندى اساساً
يوز يكرمى بش ليرا دعوى ايتمشيكن محكمه جه اون
اوچييك سكر يوز التمش ايكي غروشه حكم ويريلارك
شو حالده دعوى اولنمى ان مقدار دن فضله حكم ايدلسى

مابعدى وار

متوفی حاجی محمد افندی ورثه سنک غلطه
 مولوی خانہ سی پوست نشینی رشادتلو شیخ محمد
 عطاہ افندی ذمتندہ محکوم بہ مطلوبی اولان
 مبالغ معلومہ نیک تأمین استیفاسیچرن مدیون
 مومی الیہک بر عدد کتب خانہ سیلہ درونندہ موجود
 ومومی الیہہ عائد کتب متنوعہ ایلہ بر عدد یازمخانہ
 واشیای سائرہ نیک داینتان مرقوبانک طلب
 واستدعالرینہ بناء فروختی تحت قرارہ التمش
 اولغلہ اشبو تموزک اون ایکنجی بازار کونی
 ساعت اوج رادہ لرندہ چارشوی کیدہ صحاقلر
 ایچروسندہ اشیای مذکورہ نیک بالمزاید، فروختنہ
 تشبث قلنہ جنی بک اوغلی بدایت محکمہ سی اجرا
 مأموریتی جانبندن اعلان اولنور.

فی ۴ تموز سنہ ۳۰۸

اعلان

خرستو قلفه نیک النی خاتونہ محکوم بہ دینی
 اولان مبالغدن طولایی تحت حجزہ النان
 قوزغنجقدہ باغجی منتش زقاغندہ کائن سکر
 نومرولی خانہ نیک مدیون عہدہ سندہ بولتسان
 نصف حصہ سنک تاریخ اعلاندن اعتباراً اون
 بش کون صکرہ بالمزایدہ فروختنہ مبادرت
 اولنہ جنی اسکدار اجرا دائرہ سندن اعلان
 اولنور .

فی ۴ تموز سنہ ۳۰۸